

詩

書

祭文

祝文

雜著

附錄

孝處堂集

全

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL
989
.45
P96
1901

EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

孝處堂遺稿序

天下之爲人子者孰不欲孝於其親而往往有暫焉而不能常始焉而不能終皆非所以全孝之道也朝夕於斯而跬步不忘始終於斯而食息不懈洞洞焉屬屬焉一箇孝字爲安身之處所則君子所謂止於孝者可庶幾焉余以所見孝處堂郭公定愛其人乎公以天出之性襲省翁之緒孩提而能知愛敬之道既長而能盡脩灋之養定省如禮而不以風雨而或衰婉愉自持而不以急遽而或失是其日用疏節已非人人之可及矣及至閔朔親濟鹿血爲良而雲臺

一角伎伎而自至爲孝廚復膳之餌是其誠孝之積
又足以動物者如此夫豈無所本而然哉公嘗就省
翁所處之里作之堂而名之曰孝處居常動靜一以
省翁之心爲心其氣脈之相傳耳目之濡染安得不
始於孝終於孝而卓然爲止於孝之徒耶是以定軒
李公詠歌其事以張大之性齋許公敘述爲傳以詔
天下後世噫吾黨數君子之言有足以不朽吾定安
矣尚何俟於其言之有無哉雖然言者心之發也試
就其遺稿而觀之詩文凡若干首醇真而不綺淡泊
而有味信乎其仁義之言藹如也片齋足以知全鼎

於以壽其傳以著夫全孝之一端抑豈非孝子慈孫之所宜用心者乎於乎昔余南遊之日得公於眉睫之間而意未嘗不在鉅鹿也顧今滄桑已非冥途悵悵而乃孤胤君基成甫袖來遺集謬囑以弁卷之役撫念千古不忍以不文辭遂書其平日所感於中者爲孝處堂遺稿序歲甲申四月乙未聞韶金道和敘

孝處堂遺稿目錄

卷之一

詩

五友亭唱和韻

重九卽事

觀祇林寺芍藥戲題一絕

過玉山書院有感

三首

己未仲春大雪戲吟一律

贈別

九月遊朱砂菴與諸賢同賦

芬皇寺畱別諸友

鶴城省楸行宿調驛枕上得句

庭前小梅既枯還生賦以志之

出外滯雨久未返庭吟一絕述懷

臨歸贈主人

謝李丈在進寄惠烏竹杖

芭蕉

山亭示諸友

別韻二首

幽居遣懷

登紫玉山

道德菴示同遊諸益

上書庄

左藏庫

琴松臺

種柳

謁鷗江書院

二首

除夕次杜少陵韻

元朝

春夜謾詠

閒中卽事

客館臘日次杜工部韻

暮春次杜工部韻

玩龜亭敬次曹南冥先生韻

贈別宗人

南村道中

雨中卽事

示書社諸君

又贈諸君

與成文吉運孫敬鎮宗桂曹允後啓佑登雲

臺懷古

李瑞可在主登第恩行來訪詩以賀之

偶吟

萬歸亭次板上韻

琴松臺贈同遊諸友

蟹目嶺感吟

夜聞子規散次朱子崇壽客舍三絕韻

詠懷

次人圍棋韻

同李正言魚叟在滌崔君景玉遊龜岡聞

琴歌共賦

九月與李正言南進士基恒李會仁能韓游

泉谷寺二首

贈別同遊

三月上旬省先壠有感

奉送府伯宋公

近洙

啜新稻粥戲吟一絕

往韓聖初

家十年間人事異昔猶有庭

梅在焉遂次壁上韻以寓感懷

次書社諸君韻

東都懷古

白蓮庵贈僧

青蓮庵用前韻

幽居

新歲感吟

朝陽閣次板上韻

山齋暮春偶吟

九月小墜入府逢友人留飲共賦

仙洞書社文會和座中韻

贈別仙洞諸友

仲秋登半月城吟一律寄崔景五

過盤龜亭感吟

訪友人

骨窟菴

崇德殿

次柏栗寺遊客韻

次川獵韻

大雪

賀府伯回婚禮壽宴韻

追和諸友遊東都韻

送人歸洛二首

悼亡友

永慶謠

府伯還官未幾移按本道吟呈二絕

宿鶴城柳浦

贈別

和呈府伯朴公宗休

登學士臺懷古

自警

挽西湖崔文世粹

挽李士連 在翼

挽成文 震運

挽李景天 能涵

挽孫聖執 永鑽

挽成孝善 宗訓

挽曹允後

挽孫敬鎮

挽魚叟李正言

挽定軒李先生

挽柳溪堂 疇睦

挽勿厓李參判 能燮

挽洛坡柳相公 厚祚

挽姑夫曹公 啓宇

書

上定軒李先生

答定軒李先生

上定軒李先生

與西湖崔丈

與西湖崔丈

答西湖崔丈

答西湖崔文

與柳溪堂

答柳溪堂

與柳溪堂

與希庵李文瑞祥

與孫文鍾泰

與李正言在瀚

答李正言

上地主李侯能燮

答李雲觀鶴儀

與李敬庵 在穆

答李敬庵

答鄭鶴坡 觀儉

與鄭鶴坡

答南進士 基恒

與崔羽錫 世鶴

答曹允後

答曹允後

與孫敬鎮

答李景善 在淑

與徐文一塾

答孫用晦永明

與金基汝祖洙

祭文

祭洛坡柳相公文

祭定軒李先生文

祭西湖崔丈文

祭孫丈鍾洙文

祝文

十二代祖考翰林府君墓祭告文

祭癘鬼文

祭祈雨文

雜著

綠竹贊

養性箴

卷之二

附錄

傳

行錄

遺事

墓誌銘

并序

墓碣銘

并序

挽詞

祭文

孝處堂記

孝處堂題詠

孝處堂遺稿目錄

終

孝處堂遺稿卷之一

詩

五友亭唱和韻

人家敦睦在親親營築斯亭幾度春
伐木三章嚶鳥友生芻一束皎駒賓
隨時湛翕閒中趣滿地喧囂耳外塵
但願兒曹承此樂提攜大被久猶新

重九卽事

手折東籬一朵黃賓筵泛作百盃香
淵明去後無人取畱與雲林野老庄

觀祇林寺芍藥戲題一絕

種得芳根日夕培
瞿曇前後錦文堆
花乎倘記重遊
否應笑吾人白髮催

過玉山書院有感 三首

溪流觸石吼成雷
莫使塵囂入耳來
料得先生清意味
百年遺蹟洗心臺

大賢三逕墅
倦客一鞭來
景物多詩句
幽懷堪酒盃
瀑響何須瑟
盤臺不待茵
吾祖曾遊賞
悵然意未伸
己未仲春大雪戲吟一律

東風催暖律
頃刻六花開
見色堪稱玉
無香不是梅
飢鴻迷北去
新鶯阻南來
閉戶閒吟日
烹茶引數杯

贈別

斯翁高臥舊衡廬老向功名意自疎
軒外流泉寒更冽山厓宿霧卷還舒
柴門晝永誰來往石榻雲微任起居
渭樹江雲長在望夢魂時繞別場諸

九月遊朱砂菴與諸賢同賦

朱砂秋色屬郊園落葉風前錦繡翻
山僧莫漫催歸路別意惺然酒一樽

芥皇寺畱別諸友

春入雲林花滿枝綠陰深處黃鸝時
山肴薄酒優真趣斜日諸天上馬遲

鶴城省楸行宿調驛枕上得句

月白霜如雪寒凝古驛樓離家纔數日作客似三秋
短枕那能夢通宵倍覺愁疏呼牢睡隸吃馬點更籌
庭前小梅既枯還生賦以志之

問爾庭前一梅樹前何枯槁後何榮巡簷索笑還無
語只任天公造化情

出外滯雨久未返庭吟一絕述懷

客榻愁添苦雨聲不堪時序已清明春闈近節能無
損一念長懸問寢庭

臨歸贈主人

襟懷蕭灑達川邊
閒適隨時一枕聯
賴有天公知此意
滂沱時雨少畱連

謝李丈在進寄惠烏竹杖

一根烏竹杖
亦少白頭翁
形色須相別
去畱卽與同
見危能效力
遇夜最多功
爲謝安溪老
珍看大夏邛
芭蕉

花草由來品百殊
頽然鳳尾蔭庭隅
風翻露葉明珠滴
月照寒窓羽蓋敷
只合閒翁騰玩賞
寧同凡菜上盤盂
吾人愛此還成癖
三嗅清香足砭愚

山亭示諸友

來往谿山頻不厭客愁新處更登樓此間談笑誠非
偶共把清醪滿意遊

別韻二首

數日陰霖苦遠客相惠人在小溪南朝來瓊韻香生
頗詞友交情迴出凡

靜觀萬物變遷時惟有青山是舊儀遠客今朝歸意
促過門要擬拭青期

幽居遣懷

閒來無所忌擡首倚前墻旱極秋猶熱風微夜未涼
愁邊應有喜分外亦何傷澹寂清齋裏謾吟送夕陽

登紫玉山

屹立重巒太古天
風儀想象似當年
高躅至今昭日月
寒栖依舊鎖雲烟
難忘北闕經綸志
未返西關世路偏
先生懿德彌高仰
薄暮荒山意悵然

道德庵示同遊諸益

白頭梭勝晚紫玉
最高巔俯瞰東溟闊
還迷北岳連風傳
何處磬僧定
故庵烟興發
三杯酒歸來
薄暮天

上書庄

仙翁高躅汶川上
一抹鰲岑翠壁豔
誰識孤雲多少
志丁寧陳戒
告歸談

左藏庫

不見珍藏只有基
荆於何代廢何時
鹿臺無補商家
命畱作千秋鑑戒資

琴松臺

卓立金鰲萬仞峯
仙翁遺跡秀孤松
鶴歸華表琴聲
寂手撫蒼髯不改容

種柳

僻居臨水又棲山
種得垂楊已可攀
夜月篩金疎影
裏朝烟織錦嫩枝間
幾多征客傷離別
時有騷人占
聚團借問淵明當日興
何如此老對怡顏

謁鷗江書院二首

山水逶迤幾疊回
名區跌宕鶴城開
江流浩蕩環洲合
島勢浮沉湧海來
歷旅壯遊多勝槩
毓靈佳氣鍾英才
登樓景仰還多感
斜日歸情悵未裁

瞻仰兩賢廟靈區
慳此間何如伊洛水
遙想武夷山真源
傳道脈懿範砥羣
頑盡日登臨處誰
知這意閒除夕次
杜少陵韻

是歲惟今夕寒窓
愁更滋莫看一葉
落鍾到五更邊剪
燭真堪惜計年却
自悲無端鬢雪白
何事老於斯元朝

孤燈一點耿無眠懷緒由來更悵然資學堪須從益
友檢身那敢仰前賢每慚藹埴全迷路又覺殘衰苦
得年推窓欲候時豐兆朝日初晴雲半天

春夜謾詠

夜酒一盃護病身此心還覺損天真嗟吾經濟如何
事但願春風與物新

開中卽事

雲林寥閔日遲遲謾咏刀頭數板詩柴門不掩人無
到向晚塵襟次第披

客館臘日次杜工部韻

一村寥落一身遙歲鑰將翻憂未消盃酒當筵非寂
歷風流此日不蕭條廉平政理今明府治道仁聲際
聖朝遠想 楓墀黿抃地仙桃長翠隔雲霄

暮春次杜工部韻

消盡峭寒麗景長
化中看物歎流光
野花滋雨粧新態
籬菊迎風待晚香
山水有音絃久斷
林泉無事意何妨
推窓欲識東風面
飛鴈叫天倘去湘

玩龜亭敬次曹南冥先生韻

獻兆靈龜不自遲
儲精剩得古今宜
名區千歲泥藏處
肯構數間墨食時
檻外長溪真活潑
山厓塵跡竟

老屋三詩卷一
六
奔馳如今神殼遊蓮葉調息其功倘不奇

贈別宗人

同宗誼最重一見情相親風裁長者厚氣味古人醇
明時嗟已老後會杳無因臨別相贈意貞姿善惡珍

南村道中

緣谿十里踏青陽却怕清渠傍汗潢病夫亦有春遊
興芳草名花醉一觴

雨中卽事

庭梅零落已無多小雨霏霏著老柯盡日虛堂簾半
捲隔溪惟見釣魚蓑

示書社諸君

刮目稱髦士那堪柏悅情
努力及時學竿頭更步程

又贈諸君

咬菜方能事業綿古人於此用工專
箇裏勿求名利
意肯將經籍共隲研

與成文

吉運

孫敬鎮

宗桂

曹允後

啓佑

登雲臺

懷古

憶昔羅王肇此基
臺雲迢遞客來遲
故紙堆中皆已
老虛名身上却非奇
家庭舊學規模遠
世路交情道義推
酬酢別席還相勗
努力前程是所期

李端可 在圭 登第恩行來訪詩以賀之

蓮桂連三世晦翁積蔭餘黃卷專心爾青雲得意諸
窮通盡分內忠孝篤倫初發軔前頭事天衢正豁如

偶吟

虛老庭梧肇得秋搔頭向葉一般愁六旬難耐身邊
疾萬事都休水上漚却恨烏頭無學力未諳蛛腹貯
絲綢竟夕憑欄塵慮少悠然靜裏索玄鉤

萬歸亭次板上韻

東都風物在兄江淑氣靈區肇此邦久矣經營粧點
地翛然藏秘啓居窓林間樂意黃鸝對沙上閒飛白

鷺雙芳草名花皆我有老來安得筆如杠

琴松臺贈同遊諸友

笑他浮世迹指彼南山階始就書庄路更登布石崖
烟霞曾有癖遊歷可忘懷興盡酒隨盡但期心共諧

蟹目嶺感吟

偶因形象有斯名恍惚雲烟變化生塵世滄桑看得
否幾回經劫幾昇平

夜聞子規敬次朱子崇壽客舍三絕韻

月明夜靜子規鳴惱瑣吾心苦未清莫近此翁山帳
外如何聞是斷腸聲

明月空山杜宇啼悽然心緒整冠衣莫向殘春愁
小豐年何處不如歸

夜靜山空爾更號殘花枝上月高高底事平生無限
怨聲聲如訴在寒臯

詠懷

乘榆餘景晚點檢更何忙雲霄凌氣勢鐵石矢心腸
事業真難就工夫貴有常虛靈原不昧無負是中央

次人圍棋韻

戰場風雨鼓雷然白馬鳴軍賭萬全須臾決策推枰
坐凡楚存亡一夢圓

同李正言魚叟在瀚崔君景玉 遊龜岡聞琴

歌共賦

殘臘良宵聽管絃
小山招隱昔何年
琴酒畱人同一
席旅窓寒月十分緣

九月與李正言南進士基恒李會仁能輔遊泉

谷寺 二首

泉谷楓程洞裏尋
禪窓盡日爽塵襟
鑑開塘水紋還
細風動階篁韻
夏淡孤陋多慙久
離索羣賢何幸共
登臨箇中妙契忘
言處一理翦魚費
且潛

僻境久無俗客臻
入山溪處脫繯塵
歌傳妙曲知音

在盤侈時需勸酒頻滿眼靚粧依舊物同心吟賞想
前人莫恨韶華時已失半庭佳菊摠精神

贈別同遊

秋風寒谷裏山色更沉沉信宿情還密辭歸意轉深
澗聲醒俗耳鳥語悵人心虎溪從此隔重約在春林
三月上旬省先壠有感

孱孫增怵惕追慕不堪情殘春催暖律宿草保頽瑩
奉送府伯宋公

近洙

枳棘今看彩鳳儀雞林赤子仰如慈廉平政簡爭歸
化賙恤恩深不病飢百里湖山春有脚數年村巷口

成碑西橋今日攀轅地五馬重回屈指期

啜新稻粥戲吟一絕

取糜泔水煮稀粥色似松花味勝飴想得
天廚無此味獻芹還覺野人癡

往韓聖初家十年間人事異昔猶有庭梅

在焉遂次壁上韻以寓感懷

疎畫當軒傍老梅小園花砌半新苔主人一去無消
息月下冰魂倘帶來

次書社諸君韻

霽月三更白孤燈一點青小山招隱閑散步詠中庭

東都懷古

鰲岫奇雄汝水清風傳玉笛帶秋聲苔紋蝕塔雲常
住石角懸天路不平升八王陵風已邈一千年事烏
空鳴斜陽倦客遲鞭馬山水幾洋仔細評

白蓮庵贈僧

來訪山林向白蓮禪家鍾磬此依然聰明雪初能言
道倘是潮州釋太顛

青蓮庵用前韻

寬敞庵居勝白蓮幽人興味更悠然個中已識山真
面不必窮探最上顛

幽居

小沼在山側何如濠上魚
蕭條真活計窮僻是閒
密邇疎簷影卷舒滿架書
茅簷容我膝圓月入窓虛

新歲感吟

寒窓除此夕時序忽陳陳
少陽稍養靜元善詎無因
正合修新德端宜滌舊塵
何恨年光老懿箴在九旬
朝陽閣敬次板上韻

淑氣靈區也自回名樓起處豁然開
此地登臨鷗伴去先天寥廓鳳鳴來
瞻仰前賢楣上字逍遙歸客意
中杯斜陽玉笛堪悵悵不見佳人暫復徊

山齋暮春偶吟

芒屨登臨石逕斜一天風物望中奢
斜陽影轉十年樹古砌香餘數朶花
浴澗閒鷗張雪翮滿林啼鳥隔
窓紗索居無與芳鄰接野叟村童伴自誇

九月小望入府逢友人畱飲共賦

緩步南川踏晚沙溪秋物色向堪誇
寒聲寥落天邊鴈水色平連野畔鴉
羅代千年經劫界聖朝今日泰平歌
故人樽酒相酬處不覺西岑日已斜

仙洞書社文會和座中韻

春溪南岳有仙亭俯壓平林十里坳
幽人高躅前塵

挹騷客清襟上座停流潭噴瀑千層白絕壁摩雲插
丈青少長咸攜詩酒處空山伐木更丁丁

贈別仙洞諸友

仙區風物使人迷把酒臨分意轉悽山鳥亦知離別
苦隔林斜日盡情啼

仲秋登半月城吟一律寄崔景玉

秋深木落一荒園潦汨西川似訴冤寒風蕭瑟將軍
墓宿草離披學士原滄桑浩劫千年跡故國繁華一
夢翻遙想清齋明月夜故人詩興屬杯樽

過盤龜亭感吟

重來始覺是仙庄瀑布溪聲夏日涼
招張主人何處去不堪鄰笛聽山陽

訪友人

萬樹交陰一杖行重尋退麓繞池清
主人枕上驚飛蝶剝啄門前犬吠聲

骨窟菴

鑿開巖竇半邊椽縹緲危欄面面懸
老脚未堪攀絕磴臥遊思欲借龍眠

崇德殿

千秋羅代舊繁華散入東風逐晚霞
惓惓殿齋寒雨

裏故都雲物隔窓紗

次柏栗寺遊客韻

有客耽奇勝行尋闕水源初從半月路
夏叩芬皇門句帶郊寒響屐畱
謝蠟痕慙懃問衰病日暮城南村

次川獵韻

形如鰕子一纖鱗族聚羣遊屬暮春
市亦得沽官不禁掃來烹食付人人

大雪

隨風斜復整和雨密還稀大地鹽堆積
寒空絮亂飛
擎衣仙子涉蓑笠釣翁歸郢曲誰能解懷君對晚暉

賀府伯回婚禮壽宴韻

爭賀東都壽席開
乾坤和氣繞樽罍
仁賢政理先存
老百里懽聲動似雷

追和諸友遊東都韻

病裏何堪閉戶吟
老來虛負少年心
未隨半月親朋
會付與千秋古蹟尋
員星臺無語立潺湲
汶水訐冤浚錦囊收拾風烟盡
諸彥詩情繼雪岑

送人歸洛 二首

一曲驪駒動別筵
芳洲斜日草芊芊
那堪千里分攜
地復此三庚鑠熱天
西路論文曾久矣
南樓談笑更

依然嶺雲杳杳湖波闊無限離愁暗暗牽

官柳鳴蟬急江村落照明一盃相送罷無語掩柴荆

悼亡友

南路先尋霧隱居晚年交契漆膠如今來不復聞清

謔鄰笛斜陽倍愴歎

永慶謠

府伯棄官時永川倅欲偕歸未果及府

伯承

命還官也州民相慶茲採兩邑民情以

歌之

永慶地相接魯衛政相符愛民如愛子二邦賴以蘇
曾當大尹棄官去朝陽使君不得俱慶民愁永民樂

我有賢侯爾獨無今當大尹返車日喜借寇君一年
加慶民還向永民道我亦有爾無誇

府伯還官未幾移按本道吟呈二絕

海邑治聲滿洛城承明殿柱已書名殊恩特許落
垣重太守今爲刺史行

棠旆翩翩不少畱秋風歸意暮江頭南州七十雖云
辛其奈東都赤子愁

宿鶴城柳浦

盡日滄溟路刷聞波浪聲臺無利見處巖有大王名
寥落羅衣巷蒼茫柳浦城暮投漁店宿燈火夜波明

贈別

今宵良可惜樽酒對高朋
話到三更漏心明一盞燈
須停行客旆尚有渡頭冰
悵悵分攜後寒窓獨自憑

和呈府伯朴公

宗休

政理清平水共流
喜迎皂蓋拭青眸
春遊北趁山多處
星駕東臨地盡頭
已使涸鱗沾霈澤
從教蔀屋雪冤幽
淮陽雖薄猶王土
念此殘氓爲少留

登學士臺懷古

迢遞白雲裏謾傳學士丘
氣岸傾三國文章播九州
世間琴韻斷石上苔痕留
詩仙何處去千載空悠悠

自警

啓吾手足敬吾身身是親枝匪我身所以前賢臨履
戒全而歸後是全身

挽西湖崔文

世稱

沙老家庭德義滋服公資地太寬夷心空北海摧鵬
翼痛徹西河失驥兒可惜儒林函席撤忽驚南極壽
星稀那堪此別成千古落日西湖一笛悲

挽李士連

在翼

大賢垂懿範名俊世休存幹家有一子積蔭及諸孫
交誼兼師友歡情重弟昆嗟吾後死者誰與送餘暄

挽成丈 震運

耿介之姿拔俗倫
席珍高價動清真
堪憐晚歲芳蘭折
却喜兒孫古範遵
五吉新庄寒月裏
一生幽趣暮烟濱
遽然未得耄期享
天道如今倘不仁

挽李景天 能涵

東都文獻大家聲
萬丈奎華徹地明
從古談經真寡識
如今結契尚論情
十年館燭畱筇客
千里輶歌吊墨卿
歸報高堂誰解說
龍蛇不幸是年丁

挽孫聖執 永鑽

古老風儀罕與儔
家傳忠孝擅南州
還嗟下玉三朝

別謾費匡杵十載適塘草幽懷堪慟惜萑松舊契幾
歡誂王槐庭昨餘陰密更賀詒謨垂後悠

挽成孝善

宗訓

交誼那堪此別離欲題哀挽淚先滋得年顏壽仁無
驗抱玉楚朝數亦奇愛日承歡誠孝志居家式好弟
兄怡諸男弱女疇依仰況復萱闈白髮垂

挽曹允後

始知雅標挺儒真天賦於公儘不貧翰墨剩推潘陸
友規模要作洛閩人鵬圖竟阻天南路劒氣空留匣
裏塵可惜文星今晦彩騷壇何事屈微伸

挽孫敬鎮

案上詩書篋裏章
騷壇蕭灑亦堪傷
醒醉樽前忘世慮
逍遙林下謝名場
積玉將期沾善價
冥鵬其奈阻高翔
忍看掩泣泉臺路
猶慰庭蘭秀一芳

挽魚叟李正言

泉谷從遊陪叩軒
風裁雅度夏誰存
袞笏傳龍鰲翁範
德義親熏定老門
美譽播前登桂籍
嘉謨裕後蔭蘭園
平生固守東岡志
遺草封禪謾抱冤

挽定軒李先生

六賢有啓典刑垂
公起法門衰敗時
餘事文章騰藝

苑終明經學開緇帷猥從侯氏聞玄草曾見桐人頌
愛遺昨夜德星光忽晦薰陶無復後生資

挽柳溪堂

疇睦

山河間氣見潏崇美業令姿孰似公淵源滾滾家傳
洛禮樂明明運啓東瓊章猥服倫常語尺牘頻傾奧
旨通日永勻堂終未養也應哀淚九泉中

挽勿厓李參判

能燮

際會聖明慎簡掄名家莫出大賢門堂成畫錦歸
東尹世襲忠貞裕後昆契闊十年雲路翮交酬一席
閣梅樽堪憐薤露陽春暮墓道還看墮淚痕

挽洛坡柳相公厚祚

維嶽降神啓我東簪纓奕世孝移忠簡心已識巖廊
器調手曾收鼎鼐功領袖吾林推望重著龜邦國眷
恩隆那知不盡西河淚遽作而今殄瘁悰

挽姑夫曹公啓宇

芝翁家訓自純淡人不知公我所欽交道尋常猶有
執高談激切却無心平日猥從評翰墨暮年無改樂
書琴得失忘懷觀化地薤歌一闋倍悽吟

書

上定軒李先生

顧此闕茸無所用力而只以讀書窮理爲事然所疑
無質所得無稽知與不知其爲病則一也每欲一進
振衣面受警策隨證投劑醫祛其根豈不一快哉然
而奉下人事汨於家冗居然曠候愧悚伏不審
和煦道體候崇護萬塵杓親翁粗依餘無所達而所
讀無主著所見無真的年日進而學日退每誦節要
中歲月如流工夫易閒之句心輒懣然近看濂溪圖
說妄有所推解謹錄呈進伏乞照至批誨千萬千萬

答定軒李先生

前月中下書可謂頂門一針雙擎伏讀益覺特垂記

念於浩煩之中俯賜諄悉而久離教席甘自暴棄自
訟無已伏不審端陽道體候神護萬安下懷瞻祝下
批云具於陰陽而該動靜者太極也主於一身而貴
體用者心也心便是一身之太極心有動靜敬未嘗
不在其中如是看無妨心竊自幸其千慮之得不至
大謬也秋間當一進屏下夏承面命耳

上定軒李先生

一自五馬西麾達拜几右倏忽有年非敢戀德誠薄
布衣蹤跡終不便於朱門刺謁未知或賜恕諒否伏
未審履茲視篆餘道體崇衛萬安枳棘之林縱非鸞

鳳之樓而乘田委吏所在盡職伏爲拱祝杓省事粗
寒而自離函席之後志氣日覺退產科舉之習又從
以妨奪新知舊解沒無巴鼻將不免小人之歸而終
負吾門下教誨之勤是所凜凜耳太極說謹當佩服
近取大學日閑數三板而疑晦未瑩處從當錄呈仰
質耳餘伏祝道體與時保重以慰瞻仰

與西湖崔文

風遞伏聞杖屨間適近有隨柳之賞觀物會理氣象
自別顧此淺劣整守空堂未廁於風詠之末湊以爲
恨嚮後不審頤養德體益護莊重區區瞻仰杓過庭

依安對牀各遣誠日用至樂而飲啄之外架漏悠度
點檢身心等棄一物忸汗浹背奈何家豚懶習一味
恐長者辟咍之眷渠自仰恃而不爲惕厲也望須嚴
立課程亟施責撻如何雨露霜雪無非教也豈可一
任陽春而望其收成乎敢此獻愚伏希裁量以副區
區之望

與西湖崔丈

頃趨軒屏旣飽偉言格論充然飲河而辭退以還茫
然自失古人離索之歎良有以也伏惟比日清和燕
申動靜對時崇福庇庶珍齋杓侍奉粗免愆節兄弟

各遣而餘力所做祇是悠泛光陰不能向裏鞭辟是
爲愧悶迷豚鈍根成痼雖蒙眷撫日試頂針而責效
無期所謂下愚不移豈爐鑄之不善哉還切未安且
念蒙駭政如未視之狗未見意趣必不樂學提撕之
際須如俗說曉譬久久成熟則似有通明處未知如
何

答西湖崔丈

下諭縷縷伏認警教之盛意乃知君子包荒之量非
小人之腹所能度也蓋天下事變無窮千端萬緒人
之所見亦各不同千思萬慮紛紜滾湊而義之與比

則無二致也杓合下迂滯又無本領工夫未能精察而審擇也故妄有所云云今承反覆開示誠指南之導也感鑄何極兒子能正句讀辨音吐否蓋史傳別無他意只就事論事而已然箇中有大關義理辨別是非處不可涉獵經過也文理未透則懵然莫知且無記性則雖日聞至訓何能存得他一分耶是問是問

答西湖崔文

春初獲拜杖履於天龍仙臺之間做得曠世勝事一生榮幸而適被忙遽末由連承清誨迄有帳仰之忱

嚮於便裏續拜惠覆長牒氣寄盛作登山操釣臺詞
諸篇使人艷尚不已杓親節姑安澳汨家務恰作風
埃人面目良覺憤憤耳迷兒更遣而全昧綴文路脈
幸賜之鑄誨勤督千萬所仰

與柳溪堂

牌拂之下翹慕宿矣而遐陬病蟄無以自致徒勞馳
仰伏惟大府勻體候以時承安經牀觀翫日有崇淡
伏邇區區杓省事姑寧私幸而殘軀一生脫不得塵
冗有何奉浼於崇聽耶第有不教迷豚名基成者自
効失學專由於父兄之過而實窮鄉孤陋之致近少

有向學之念計當世大爐黼無如軒下茲使趨供灑
掃大匠無棄材渠雖迷駭幸不外之而收置座隅俾
命進退周旋之節則承賜厚矣欽仰之餘敢煩私情
還覺不安餘祝經體萬穆以副遠悃

答柳溪堂

前著獲蒙惠存頓覺窮崖生春山川阻曷依舊參商
慕德深切伏惟大府勻候萬庠省下經體珍衛子舍
仕學俱勝遠邇不任憧憧杓草土餘喘病與烏伍恒
恐私家人事積堆未了而旋復朝露溘然耳家督合
宜源源拜牀而連汨器憂抽身無隙今始晉候然由

來鈍騃乍得一曝終有十寒之患畢竟烏頭之力盡
去矣奈何奈何前示中無友不如已君子雖以謙虛
爲德而裹拂之下烏是過恭之辭耶令人惶縮失措
渠之令行不惟承候之烏汲汲烏有請益之意然但
渠接食之道恐烏貽擾不一須命靜室處置之先從
灑掃應對進退上嚴加教迪得有一分俗陋之變是
區區之願耳餘冀經候萬重庸副遠仰

與柳溪堂

伏惟省餘經履崇衛否吾人日用事烏無非天理之
流行則隨事酬應皆是踐履之工何必兀坐窮經之

爲學也竊聞近日承學者多而誘進不倦艷羨無已
杓竊伏窮陬年進志退倚無彊輔雖或從事於佔畢
而孤陋無聞那可望一半分有助於心身耶撫躬悼
歎禮說間或就緒否未得致身軒屏之下分力於謄
寫之役只增愧汗餘冀經體保重以副顙仰

與希庵李文

瑀祥

隔歲違誨仰慕采篤伏惟履端調候有相令德與時
俱新衙候承安否尤庸瞻祝之至杓省節添譽焦迫
難狀而且賤祟沉痼輾轉終夜每念於軒屏之下承
誨諄複似有一分開悟振發處而未得源源趨侍伏

歎奈何且欲收補黥刑而聰明減却得寸失尺如漏
器盛水何益之有只恐虛負勸勉之勤愧悚愧悚

與孫文鍾泰

頃於子舍兄紆顧細叩動靜稍慰下懷伏惟頤養是
飭更何如杓索居孤陋益覺無聊前惠帖留在塵案
披復再三縷縷警誨不一而是仰感不外之盛意因
知攸謝第含章肥遯之喻謬及於無似之身何敢承
當悚仄悚仄

與李正言

在瀚

窮湫寂寥中獲蒙辱顧剪燭聽緒論疲荷不鄙之感

意而懶廢人事未能奉一書報謝尚庸慷慨伏惟體
候萬重靜裏翫索繙得幾葉故紙仰邀規規杓近少
疾恙取寒泉遺錄看了全編而於身心無毫分裨益
祇自愧歎思欲仰所求益於先覺如高明而未易動
得望須時惠手誨以破蒙蔽如何如何

答李正言

屬此歲晏尤切戀德之懷忽拜先施惠墨自顧賤品
何以獲此中心感戴不容仰喻第審靜中匙筯近減
貽惱且多區區仰慮之忱不啻在己之切杓近因村
裏穴擾攜止山寺輒爲兒病所掣旋即下來心甚悶

鬱月前泉谷乘月之歡儘是缺界勝事歸來寒棲依
舊憤憤也惠寄瓊韻屢回披玩如得世外希音奚翅
百朋之錫也感頌感頌

上地主李侯

能變

頃蒙存訊濫及於無狀惶縮罔措秋事政半伏惟視
篆起居冲裕無任仰慕之至民沐浴仁化無他疾崇
而抱拙窮山甘分田畝未遂叅聽下風然抑有一說
獻愚傳曰物有本末事有終始苟端本正始革舊作
新則以之治平可也其於爲一府乎何有伏想一副
規橈必有素定者而顯乎之至敢此仰誦伏願勿以

芻蕘棄之而更加垂察焉餘祝順序自愛以副輿望

答李雲觀

鶴儀

嚮者塵屨歷涉貴境而行事忙遽未暇叩軒屏討情
話迄有悵悵卽於兒還獲承惠牘如對黃卷中人也
仍審臘寒體度連享冲福杓跼伏窮廬無從追逐意
中人又憊懣轉苦懶惰益甚何可責炳燭之工哉况
膠擾俗務虛送殘景愧懼無已惠賜和韻奉玩圭復
所謂投瓜報瓊中心藏之何日忘之感荷感荷

與李敬庵

在穆

嚮造軒下款承一宵清誨庸慰平日飢渴之願充然

有得載之而歸矣其後歲翻春生翫養靜候康護新
休滋至否所占山庄窈窕幽閒正合棲息游泳之所
杖屨他日坐臥起居於水聲岳色之間自有玩而樂
之者矣預切艷仰杓杜門孤陋無所猷爲坐費光陰
兀然爲倥侗無聞之一陳人悼歎奈何講學契仰認
獎勸之盛意顧茲賤品安敢望參側於揖讓周旋之
席耶然而愛人以德不以鄙棄而收置於觀善之地
不至終迷則受賜大矣企幸企幸

答李敬庵

頃奉惠覆長牘辭旨鄭重文彩藹蔚綽有故家遺範

再三披玩俯仰感歎當此法門凋敗之秋主拂吾林
引進後學者更有何人深願高明時惠良規使此冥
摘不至迷方則庶可爲夕死之鬼是庸願企耳不宣

答鄭鶴坡觀儉

友也者所以友其德列於五倫之一者其義顧不重
且大歟抑未知高明何所取於杓也而降屈年德引
以進之於然諾講討之末也私情感僕若登龍門又
不自意旣垂惠翰副以瓊韻合併圭復殆無異於入
蘭室而接芝宇就伏審靜養經體萬晏炳燭晚工益
臻崇深欽艷勞仰之至杓省側粗安隨分尋數庶幾

爲畢生家計而孤陋寡聞曾中茅塞安得致身於水
哉亭上穩承緒論耶尺地一動每不如意其於古人
千里命駕之意祇增愧忸幸須時惠德音指示子午
之方是所祈仰不宣

與鄭鶴坡

斯文不幸後學無祿定軒翁遽爾易簀安仰之恫想
一般矣伏惟經體保重杓省事欠和煎迫難狀顧此
不敏不能毫毛承受仰副函席平日勸掖之意慟怛
懊恨已極無謂杜伏窮廬無緣奉際敘情臨紙增悵
惟冀加護益懋以副區區

答南進士基恒

暮春獲拜盛帖而今又垂問實荷不遺之厚曷任感
僕伏惟靜體珍齋杓省側粗寧向書中縷縷實是愛
念鐫誨之至至於浮泛虛曠之戒浚中鄙病第恨發
出病根而不示去病之藥謂疾已膏肓而不復有打
疊之期耶幸望更加鍼砭俾收藥榆萬一之效如何
如何家督遣去軒屏之下以若做人手段亟施繩錘
千萬切仰

與崔羽錫世鸞

跼伏一壑講服華聞雅矣嚮者尊駕永陽歸路降屈

樵社一夜承款俾遂執鞭之願自顧庸陋何以得此
別後悵懷往往發於夢寐之間歲聿垂暮不審堂上
壽體候遐享難老退省淡玩益造昭曠之域否第切
區區莊頌之忱杓離索之久無誰共評而世故波生
又不得專力於尋數益無省躬補過之道仰屋柰何
息欲春間縛得一屋子於孝處洞抱書臥雲爲暮境
棲息之所而若得尊史之一經品題則吾事豈不圓
矣乎預切顙仰

答曹允後

春間惠書緣病未謝不敏之誅其可逃乎仰想靈芝

泉石之勝桃潭春和之樂自不覺西望長啼也意極
不較先施又及於寂寞之濱忙拆欣玩若得世外希
音未審向後靜體動止更何如明窓鑽研必有人不
及知而已所獨得之妙矣杓奉老調將日事懷懌故
紙堆案無由隨意尋數將何以濯舊見而來新解也
拊念師友期望之意不勝悼嘆奉際無期臨楮冲悵

答曹允後

久阻戀仰之餘忽承惠牋感豁良多第美病沉綿至
有鬢改形換之歎殊庸慨悶惟吾兄受氣洵厚攝理
有方自當勿藥是祝是祝杓篤老候日漸漸鑠煎迫

難狀示喻無與暢敘之語令人感悵并矣然而剡溪
清遊復豈有回棹之行哉但雪月自在則安道之興
亦不減於子猷也來月間擬作仁邊之行歷敘爲計
倘如意否餘冀加攝有喜

與孫敬鎮

匪無便因陸續而冗憂洩汨自貽伊阻祇增赧汗伏
惟晚炎靜候冲謐杓一味勞碌惟以憂病檢方爲事
與書冊漸相疎自顧神精更無收拾之望往往中夜
推枕只有撫躬之歎耳每念與吾座下從容於靜界
遂此晚景之樂爲第一好事而難保其必爾也近日

學從齊會於晚川亭否尊兄能自任秉拂獎進之責
爲之嚮羨無已

答李景善在淑

邈然聲光戀仰方切際承手墨披復欣瀉十年之讀
何以勝此也伏念和煦靜候有相仰慰之至杳自遭
山頽之痛叩質無地舊聞茫然新知迷方終不免小
人之歸是懼是懼憂安得與兄團會于甘和亭朝夕
刮磨而警勵也每用歎仰近築數椽于故址寓以孝
處蓋欲其先蹟之不泯也兒子妄有韻語聞之想一
哂而復惠德音以誨之如何如何

與徐文一塾

阻懷一般何庸拖長伏惟殷春經體膺休杓只是依舊伎倆且復如是而止耳自憐奈何竊念世級一降士趨漸渝實心向學者絕不見其人而至於有志於古文者亦未聞焉豈人材之不逮古也哉誠屑屑於舉業而奪志也令胤溫雅夙就吾黨中傑然可恃者而專事科工循俗而不知返則豈不惜哉幸使之回頭轉跟以求古人爲己之學不失儒家節度如何鳴和說可見高明卽物觀理之工得之於玩樂而論其感應之妙深知造化之無停機也健歎健歎

答孫用晦

永明

頃於遞裏獲承惠牘喜悉彼時諸節而無便稽謝悚
恨何喻冬暖如春伏惟靜候萬重晴窗斐几圖書娛
心令人艷尚不已杓兀然作乘海中人回首世間萬
事都休日與枕几爲伍纔閱數板故紙輒昏憤不分
四到安有毫分進益之效哉祇自愧懼藥山喪逝真
是夢想所不到斯人不淑實吾黨之所共慟惜也辱
賜楣額十分傾感不宣

與金基汝祖洙

一跼窮廬別懷益苦春意闌珊謹惟靜體崇謚杓親

齊近添焦悶難狀而身崇轉輾沉痾初頭諸證一齊
復作奈何前者示教仰感謙光下濟之盛意如朽者
涕洟穴務性且懶躁隨事顛錯誠願高明相與扶豎
時惠良規交勉胥勗則晚界收拾詎無望矣乎卽今
春和景明正合吾人暢敘之期倘諸君子泝洄於清
流之間而相顧於寂寞之濱耶第當淨掃松軒石榻
而恭俟也

祭文

祭洛坡柳相公文

伏以厓老家學江翁道脈大賢德器圭璋追琢歷試

廊廟終秉勻軸宏厚純淑和撫調燮扶綱振紀正已
率物七莖告休三事底績堂成綠野園比獨樂遽乘
尾箕柰瘁邦國太常有銘名臣著錄全嶺其類吾黨
何式小子貞疾躬未執紳緘詞遠路敢奠菲薄洋洋
在上庶賜監格

祭定軒李先生文

天在山中其象大畜先生以之多識博學犧樽青黃
圭璋追琢文章黼黻經綸家國妙齡發軔芹宮通籍
俯首卽署絆黃下邑一命愛物循良聲績難進易退
衡門邁軸墳典褒葛義理菽粟精忠默契立言著述

紬繹蠶牛包羅玉帛簞簞踵門隨材採斲君子之學
不爽階級格致誠正體用本末各造其極成己成物
大匠設率眼藏正法吾黨領袖斯文表式儼尊三達
懿戒七臺春風和氣心醉覲德大河羣飲各充蠡酌
杓也謫劣猥側鹵席瞻仰仞墻未窺閭闕醉生夢死
冥行擿埴天不憖遺離缶日昃儒林蕭索鄉邦不祿
小子踽踽怒焉偏盡三月之制奄告窀穸敬薦洞酌
冀監悲臆

祭西湖崔丈文

樂彼西湖碩人攸卜衡泌樂飢枕流漱石家計冷淡

琴書自適拈韻吟風招朋邀月蒔花種柳課兒訓僕
徘徊歲暮隱約養德顧余闕葺辱知少日以及迷豚
包蒙有擊鈍根未祛徒勞警策此意敢忘中心佩服
念公疇昔三呼羸博太上忘情達視倚伏依歸有所
期頤竊祝仙馭遽促乘瀾一瞥山莊溪塾臯比已撤
誰揚幽潛誰拾巾篋園林寂歷典刑愈邈瞻彼天龍
堪輿告吉長夜永閉悲風蕭瑟荒詞載訣感淚盈臆
公神如在監我哀曲

祭孫丈鍾洙文

惟靈資溫氣健行愉志勵千醇懿範百忍令譽家傳

孝友世篤詩禮積善餘庥大齡遐躋元方克賢文若
蚤詣簡編料理花卉經濟優哉游哉于以卒歲乘化
而歸輪翺旌霓在公何憾相招仙侶嗟余鯁生誼忝
葭莩每躡餘塵良荷腆誨獲陪諄諄窮曠聽雞情浹
蛩蟻氣通肝肺敢托忘年永矢百禩奄茲沈寥朝露
泥泥拊念疇昔祇增泗涕敬奠一觴尚冀歆右

祝文

十二代祖考翰林府君墓祭告文

墓在大邱水
南面佛山

門祚衰微孱孫子遺或近或遠鄰鄉搬移歲一會集
亦未如禮來瞻封塋落葉歸柢追遠之感果切衷臆

敬澆一觴庶冀監格

祭癘鬼文

甲寅

竊以時丁大侵歲在癸丑氣數回薄生靈運厄魏孺
轉溝齊民艱食九重深憂宵旰嗟惜賑貸八路急
先三南方伯守宰祇奉綸音無敢罪歲各盡誠心
發倉傾廩恤窮周急惟彼孤寡亦越羸疾不至佻離
而免溝壑沐浴恩澤咸戴仁聖然有所憾博施猶
病率普既廣生息亦夥或遭毒癘或因飢火或化於
痘或刃於盜凡此凶札揔是無告骨暴誰收魂散疇
復吊祭不至精魄無托人皆陽春此猶寒谷衆方懽

樂爾獨嘒嘒煩冤結氣天地爲愁災異之生豈無其
由道臣有歎守土是惻卜日將事要慰幽鬱壇壝是
設牲酒既潔嗟爾羣靈格我微誠相呼相招爾儔爾
朋飽我庶羞醉我洞酌導揚和氣消伏災孽同我太
平毋或侵瀆

祭祈雨文

東都一域 聖神舊壇臺山是處羅代惟靈有屹其
封有赫其名冥冥保隲享祚千齡顧此舊邦莫非遺
氓凡遇災沴必先赴愬今茲旱乾曾所未覩粵自前
秋終歲愷澤春間小霽亦未霑足屈此南土烈日愈

酷焦我窮部痒我稼穡既失大麥田畝無收豆耕不
苗秧插旋枯未耕未插十居八九澤涸盡川脈斷
久炎炎赫赫如焚如滌東作期愆西成望缺艱食餘
喘又何從祿束手望天舉將餓殍臺砌有神陟降盥
茲願霈甘靈俾民有秋

雜著

綠竹贊

箭之有筠猶人有心瞻彼猗猗好保清陰周有如苞
衛修懿箴微雨所滋清飈若琴愛爾堅節日欲哦吟
幽閒負閒棲鶴飛禽非松之茂超柏之森秋月揚輝

疎影沉沉凜然霜雪人所愛欽孰不豔警學問益深
今朝開牖樞機有方何以比德君子之貞

養性箴

天生斯民各稟其性出入動靜養而有常養之有要
習與性成操存省察規矩準繩敬以直內義以學明
千患萬緒有紀有綱交修正直天君泰然戒懼謹獨
頤性自專博約久持安而樂焉

孝處堂遺稿卷之一

孝處堂遺稿卷之二

附錄

傳

孝子諱杓字定叟郭氏其先苞山人也高麗仁宗世
金紫光祿大夫正懿公諱鏡其肇祖也後世有諱汾
啓功郎行藝文館檢閱兼春秋館記事官是生諱自
安原從勳行兵馬節度使是生諱瑛縣監六世祖諱
霽生員五世祖諱爾崙孝行 贈工曹佐郎號省庵
高祖諱時翼副司直曾祖諱昌禧祖諱守福考諱鎮
澤妣河陽許氏樟之女 世宗朝名相文敬公稱之

後也孝子稟賦純質天性仁厚孩提已知愛親敬兄之道及長竭力盡誠就養無方昆弟五人因心善友不離親側夙夜承歡滄隨之供定省之節不敢少懈父有疾數朔轉至危劇患飲鹿血時當雪寒旁求不得俄而樵童來告前山雲臺有一鹿過去卽率射夫往獲之連用其血病遂瘳鄰里咸歎曰孝感所致也父以天年終孝子年已五十四執器過哀哀經不去於身泣血三年過其廬者莫不嗟嘆曰眞孝子之行也居常以孝經小學爲立德之本又好心經近思錄及秋露堂所著明心寶鑑教示子孫祭祀則盡追遠

之誠親戚則懋敦睦之誼不求聞達不附勢利惟以
讀書課農爲業乙亥歿得年五十八孝子生于雲臺
之孝處洞第孝處者省庵以孝行處於此洞故鄉人
稱之曰孝處洞孝子追慕之因扁其楣曰孝處堂此
其實心實行也有二男四女男基成基駟出后季父
壻成宗珣崔錫駿鄭致敬李璉久基成五男源鎬宗
鎬林鎬思鎬餘天基駟三男二女仁鎬義鎬餘幼女
適孫秀煥基成稱揚其先人之美行作遺事一卷來
示余乞爲文以垂于後孝子又有孝子矣正憲大夫
前行刑曹判書兼知 經筵春秋館事成均館事弘

文館提學藝文館提學五衛都摠府都摠管 經筵

日講官陽川許傳撰

行錄

苞山郭君基成自雞林來寓於隔山之地見其貌恭而氣厚禮勤而意至意必有家庭承襲之有在矣日賣其大人公遺集及挽誄家狀如千篇來請記行之文曰先君蘊而不試聲名不出於鄉里獨其孝行篤學之出於天得者有足以不朽於來世而孤露十年未有屬焉願文人之惠一言俾伸茲人子罔極之情區區之所大願也念茲病弊荒蕪精神往往昏昧筆

路又蹇澀雖尋常文字蓋莫得以構成况茲事之
乎辭之再三其請愈勤則亦有所不能終已者乃就
家狀中略加櫟枯而狀之曰公諱杓字定叟姓郭氏
系出苞山高麗金紫光祿大夫正懿公鏡後也中世
有諱汾藝文館檢閱兼春秋館記事官生諱自安兵
馬節度使生諱瑛縣監至諱彬始居慶州龍蛇之難
以軍功 贈宗簿寺主簿五世祖諱爾崙以孝行
贈承訓郎工曹佐郎號省庵鳴臯鄭公幹撰碣銘高
祖諱時翼副司直曾祖諱昌禧祖諱守福考諱鎮澤
皆隱德不仕妣河陽許氏士人樟之女文敬公綢後

實有婦德母儀訓子必以義方 純廟戊寅六月十

八日申時生公幼天資明敏性又篤孝課學自孩提
已知事親之道承顏順志未嘗違忤及長就養無方
菽水之奉定省之節未嘗少懈壬戌冬先公寢疾數
旬轉至危劇醫言鹿血爲當劑時當雪寒旁求不得
公晝夜禱天忽有一鹿自雲臺來爲樵輩所獲公則
往取而用其血親疾遂瘳隣里咸歎曰孝感所致壬
申先公以天年終公已年及不毀而執喪如禮衰經
不去參考儀禮喪祭一從禮制極致誠慎親戚知舊
之往來吊唁者無不悅服竟以哀毀成疾沉纏數歲

以乙亥八月初一日卒治喪錦繡紅紫不用皆平日
遺意也享年五十八以十一月日葬密耳山後移葬
于浮雲孝處洞生員公墓東麓坤向原配月城崔氏
司成訥之後承仕郎世禎之女生二男四女男長基
成次基駟出后女適成宗珣崔錫駿鄭致敬李璉久
基成五男源鎬宗鎬林鎬思鎬餘大基駟三男二女
仁鎬義鎬餘幼公以天出之性襲家傳之緒孩提而
已知愛親之道既長而能盡菽水之養定省如禮而
不以風雨而或衰怡愉以道而不以急遽而或違是
其天得之性不以勉強而自成然豈無所本而然哉

蓋公之五世祖省庵公以仁孝名於世時人名其所處洞曰孝處洞蓋以爲孝子所處之洞而云者也公就此結數間屋揭以孝處其感先躅之流芳懼志養之或衰者於此可以見公出天之性一心匪懈也嗚乎王祥之鯉孟氏之筍誠千古孝感之致也公之鹿血亦是物也然非公之至者也是其自幼至老一誠靡懈之所到無物不格則彼其血肉爲天物者自然來感如王之鯉孟之筍若以是金羽於公之孝則非知公之論也且公非偏於孝者也兄弟五人友愛篤摯塤箎唱和日夜團圓又從學於定軒李公之門以

超銳之才加攻苦之力見聞該博文詞典雅筆法又
得於右軍松雪之遺格中年以後以課農篤學爲事
持身處事未見作爲之跡待族居鄉一以忠厚之心
周人之急隱人之惡及其寢疾遺戒子孫之訓得君
子正終之道則其門路之正造詣之邃真可謂傳襲
省翁之規而不負師傳之教者也乃採撫爲狀以竢
來世立言君子之採擇焉嘉善大夫前行吏曹參判
兼同知 經筵義禁府春秋館事韓山李敦禹撰

遺事

府君諱杓字定安姓郭氏系出苞山高麗仁宗朝金

紫光祿大夫正懿公諱鏡肇祖也中世有諱汾啓功
郎行藝文館檢閱兼春秋館記事官是生諱自安原
從勳官兵馬節度使是生諱瑛陽德縣監是生諱連
宗奉直郎司饗院主簿是生諱彬始居慶州壬辰之
難賊陷本府公率家僮數百登朱砂山脫衣麾旗爲
疑兵賊不敢進賴以得全者數千人以軍功 贈宣
務郎宗簿寺主簿是生諱大振將仕郎是生諱霽生
員是生諱爾崙以孝行 贈承訓郎工曹佐郎號省
庵鳴臯鄭公幹撰墓銘是於府君爲五世祖高祖諱
時翼副司直曾祖諱昌禧祖諱守福考諱鎮澤皆隱

德不仕妣河陽許氏士人樟之女文敬公稠後府君
以純廟戊寅六月十八日申時生于孝處洞第府
君天資警敏至性篤孝孩提時值王母愆候若有憂
色飲之以乳輒不食人皆異之年甫齠齔已知事親
之禮和氣怡聲承順無違及至成人唱諾定省之節
滫瀡甘旨之奉未嘗少弛壬戌冬王考有欲患醫家
以爲鹿血是宜而時當祈寒倉卒難求府君晝宵禱
天忽有一鹿過雲臺烏樵輩所獲卽往取之用其血
而輒效數日又有一佃夫負鹿而來如相期者然鄰
里咸歎曰孝感攸致也府君友愛尤篤與伯氏共結

數間精舍扁以五友兄弟五人日夕團會埧唱箎和
湛樂怡怡鄉黨莫不艷嘆焉丁卯禱一屋子於寢室
之前揭號以孝處蓋省庵公嘗居是洞而以孝聞後
人名其坊曰孝處府君撫感先躅因以寓慕而自省
也壬申丁王考憂哀毀過度泣血三年衰經不去於
身器葬祭奠之節叅考儀禮家禮及家傳節目舉而
行之極殫誠慎制閔因以寢疾沉綿數歲乙亥八月
初一日考終于孝處堂享年五十八前一日遺戒不
肖輩曰修身處家接物之道只在謹勤二字汝其勉
之又曰斂母用紅紫錦繡棺槨衣衾一遵儉約遂用

治命無敢過焉於乎痛哉府君以超穎之資加之以
績學之力見聞該洽文詞雅實嘗從遊於定軒李先
生之門講質疑義屢蒙師門獎許筆法又天成得格
於右軍松雪雖尋常揮洒令人愛玩不已府君志尚
堅確不爲物移性度寬弘不見畦畛常澹泊於勢利
無徼幸於聞達屢發鄉解輒不利省試中年以後便
有晦養之志日靜處一室潛心於聖賢之書嘗謂諸
子曰讀書須融會貫通然後方有進益舉似聖人格
言至論以訓誨之居常以孝經小學爲立德之本以
心經近思錄朱子書節要爲求端用力之方沉潛反

復蓋有年所見秋露堂所著明心寶鑑亦爲觀省之
資嘗以疾言遽色爲病尤用工於寬平和易之地又
書摧山填壑四字揭壁以寓警焉每以耕農訓僮僕
課讀勸子孫有時招邀朋儕徜徉於山水之間吟弄
而歸其因物託興之什殊甚閒適而典重溫雅得於
情性之正也師友間往復書牘常自謙挹以求資益
獎勸後輩循序勉勵期有成就隱約數十年不求人
知惟以怡養神精溫理經籍爲事益究所未至悠然
有自得之樂至於日用間行已處事之方一出於無
所爲而爲之故義之與比各得其宜待宗族也寧厚

而無薄處鄉閭也寧訥而無辨見人窮乏則盡力而
周恤之遇人器戚則竭誠而救護之事之難處者自
擔而不推於人言之不經者耳聞而不道於口揚人
之善猶恐不及見人之惡輒爲掩匿內而兄弟妻孥
外而知舊姻戚無不得其懽心此皆本之於孝弟而
資之以問學所謂本立而道生者可見矣嗚乎府君
平日所著文字不爲不多未嘗畱稿不肖收拾於禍
變之餘者甚零星謹藏之巾衍後之尚論君子以是
而觀府君則抑末也深懼府君行治施於家者久而
湮晦欲追述具草以謁於當世秉筆之下而辭意拙

涵神識寡昧烏能得其萬一哉於乎痛哉是歲十一月日葬于密耳山後十五年己丑正月日改葬于淳雲生員公墓東麓艮坐之原配月城崔氏承仕郎諱世禎之女縣監心健從孫司成汭之後先妣溫順端莊克配先君子事舅姑盡孝敬宗鄙稱之生二男四女男長基成次基駟出后李父女適成宗珣崔錫駿鄭致敬李璉久基成娶月城孫氏士人永鑽之女生五男源鎬宗鎬林鎬思鎬餘天基駟娶驪江李氏士人能涵之女生三男二女男仁鎬義鎬女適孫秀煥餘幼不肖男基成泣血謹書

墓誌銘 并序

東都之西有所謂孝處里故孝子省庵郭公所處之里而因以號之者也公五世孫諱杓字定安卽其里而堂之扁以孝處庸寓終身之慕此其實心實行也公生而穎悟誠孝天成自在赤子母夫人或有不安節若有憂色飲之以乳亦不肯食吮是孰教而使之哉稍長溫清之節脩滲之供躬執匪懈愛敬備至大人公嘗有疾思飲鹿血適有鹿過前往獲之試之乃效鄰里咸歎以爲至孝所感及遭艱送終之具一從家禮無憾泣血三年吊者莫不動容至或有失聲助

哀者嗚乎孝爲百行之源苟盡於孝則萬善皆從此
出然若或以一節論公則亦淺之爲知也公嘗從定
軒李公學又與溪堂柳公善其師友交際之間因其
姿質之美啓發弘多故其著之於孝者生而志體靡
缺歿而易戚中節豈以問寢視饔之疏節爲公之至
也哉余竊以爲公之孝只是成就得一箇仁而已感
母癢於呱呱之在懷瘳父疾於伎伎之自至此非至
誠而何誠者仁之實也生事之以禮死葬之以禮祭
之以禮禮又仁之節文也先祖有善而不知是不明
也知而不能聞是不仁也而公以孝處扁堂垂世德

於無窮又聞善之仁也仁孝之世公其庶幾乎公苞
山人也高麗金紫光祿大夫諱鏡鼻祖也後世有諱
汾藝文館檢閱生諱自安原從勳節度使生諱瑛縣
監六世祖諱霽生員五世祖諱爾崙 贈工曹佐郎
省庵公也高祖諱時翼司直曾祖諱昌禧祖諱守福
考諱鎮澤妣河陽許氏樟之女文敬公後也以 純
廟戊寅六月十八日生雲臺孝處洞第以今 上乙
亥八月初一日終葬于雲臺坤向之原配月城崔氏
世禎之女生二男四女男基成基駟出女成宗珣崔
錫駿鄭致敬李璡久基成生源鎬宗鎬林鎬思鎬基

駟生仁鎬義鎬女孫秀煥曾孫以下幼不錄基成奉
許尚書性齋所撰傳及李侍郎敦禹氏紀事之狀謁
余以幽堂之役顧升遠耄荒筆拙何能揄揚其萬一
哉第感公述先之孝壹是爲本於仁者遂不辭而爲
之銘曰

祖處而里孫處而堂仁孝篤學于祖有光通仕郎前
行義禁府都事玉山張升遠撰

墓碣銘 并序

不佞於少日過雲臺投宿于孝處堂郭公家時則公
之昆弟列侍尊堂應對怡愉之色晨昏定省之節盡

其子職能使人起敬退而頌諸士友咸曰然曾不聞
孝處之義乎公之五代祖省庵公事親而孝時人號
其洞曰孝處今公繼厥祖而孝忠不匱因扁其堂以
孝處真所謂有是祖有是孫也不佞尤竊艷歎後五
十年遺胤基成備錄行治廣蒐一世明公信筆哀成
遺事一冊踵門而謬托墓道文顧此耄言何足以顯
刻曾有所觀感樂道人善終不能辭謹按狀錄公之
生也天植根孝幼而母有不安節則憂見于色雖勸
乳而不吮長而父有沉痾疾息飲鹿血則非其時而
獲進此非出於天而感於物乎若其脩體溫清之躬

執不懈是公日用常行之道而及其遭艱也年及不
毀而執器逾制衰經不去於身泣血三年如一日初
終葬祭一遵家禮事亡如事存友于兄弟睦于宗鄰
訓子之純交朋之信推以及之百行純備早從定軒
李公學而耳濡行義之方常讀小學心近等書而脚
立根本之地力學篤行充養既至實是孝弟中人也
惜乎不及紫陽之世未得參錄於小學編爾公諱杓
字定安籍貫苞山上祖高麗金紫光祿大夫諱鏡中
世有諱汾藝文館檢閱生諱自安原從勳節度使生
諱瑛縣監六世祖諱霽生員五世祖諱爾崙孝行

贈工曹佐郎卽省庵公也高祖諱時翼副司直曾祖
諱昌禧祖諱守福考諱鎮澤妣河陽許氏樟之女文
敬公稠之後也 純廟戊寅六月十八日舉公于孝
處洞第今 上乙亥八月初一日卒葬于雲臺坤向
之原配月城崔氏世禎女生二男四女男基成基駟
出女成宗珣崔錫駿鄭致敬李璉久基成生源鎬宗
鎬林鎬忠鎬基駟生仁鎬義鎬曾孫以下幼不錄公
之行亓細具載狀誌中主日撮其大槩如右而遂爲
之銘曰

孫繼迺祖子聞其福於赫公家孝以傳世用勒貞珉

勗爾來裔歲庚子天中節月城李圭日撰

挽詞

李在韶

省翁家蹟始知公偏感當年眷誼隆
庭趨鸞鵠嘉謨翼圃滿乘麻
暇計豐花樽每擬羅臺月仙輶遽登聞
苑風經學如今誰理會悲懷將與說無窮

又

鄭觀儉

孝處堂誰處行人鳥式閨遐情分野鶴遺範有庭魚
雲外重尋客風前昔別裾栖籬杞菊老觸目暗潛如

又

成吉運

西風斜日淚洒東孝處雲空萬事勿堂問起居今董

氏牀聯枕被古姜公舊施永結相歡意來宿翻驚往
劫洞歲暮前期知不遠悠悠仙路海山蓬

又

崔世鶴

世世清風孝子鄉數間肯構是誰堂嵯峨海上羣巒
裏桐柏山光一葉蒼

又

權致駟

友亭寂寂孝堂空回首前遊我思忡出天至行源頭
備實地工夫次第隆葛蘿舊誼偏增感鶴駕今歸不
勝惘最是羅臺雲月夜忍聽斷鴈叫天中

又

金道和

五世家模孝處坊如公又是白眉良騰蛟少藝推儔
類格鹿純誠感里鄉李偉千年名不死汾陽一室慶
無疆人間六十遽遽爾社宇聲中欲訴蒼

又

孫永菴

浮世光陰一夢虛寄題哀挽倍悽如懷書十上沉淪
久寢苦三年血淚餘才不少酬天罔恃仁而中壽理
還疎賢門忠孝傳無替幸見趨庭有伯魚

又

張升遠

孝處堂中孝子賢誠心至孝出於天廚牲備養人無
閒野鹿來呈孰使然世德聯芳旌十二家謨趾美禮

三千千秋太恨公生晚獨漏紫陽小學編

又

權周郁

孝處坊名因以軒公能無愧省翁孫少年詞墨翹多
士十世箕裘詔後昆白雪高喉誰與和青山伎足自
來奔雲臺千古遺餘馥却恨當年未送旂

又

李圭日

兩鹿誠符雙鯉躍神明感應古今同源於百行能於
孝不問其他自在中

又

鄭錫祐

天賦吾公厚醇真不以文事親惟孝處視富如浮雲

古架琴書足秋畦杞菊芬遊仙何遽爾寒月滿山垠

祭文

崔秉壽

於乎公家以孝友爲箕業世濟其美吾猶逮見公先
庭而醇真德儀仁厚福力世所罕匹惟公氣賦純剛
志尚高遠承襲懿範食報舊德實行孝弟依然有法
家遺風自少受學於定翁之門服其訓長好古聖賢
之書體認積行修己處事一以禮守之蓋其立心也
苦矣用力也深矣若使公永享遐壽得究其志則晚
晚之業詎可量哉而壽不稱德仙馭遽促世之知公
者孰不嗟惜况余自少寅緣猥托末契無逆我心永

矢不諼遽哭其質益切自悲言短意長公其冥會邪

又

孫秀鉉

維孝之洞省翁攸廬亦世趾美勿替貽謨公起澤斬
繼武增光克勤克家肯構肯堂二字題楣寔有感發
五友聯芳旣湛且樂躬行孝弟餘事文章從遊定門
得聞大方溫理經籍默識心通不染世淆獨守古風
接人以和處事惟詳不知何愠不求用臧百行之源
一家之刑顧茲鯁生撻埴冥行粵自壬申孤露伶仃
惟公眷恤指誨采切依仰百歲庶幾無斁天不憖遺
余懷曷極孝堂蕭瑟友亭寂歷臨風隕涕俛仰陳迹

敢薦霞觴尚冀監格

孝處堂記

里署高陽爲荀家之多賢而非其世類也堂名三槐
美王氏之世業而非以賢行也孰若苞山氏之中葉
錫類不匱篤行而趾美者乎月城之西雲臺之北有
曰孝處洞洞有堂亦曰孝處何爲而作也故 贈考
工員外郎省庵郭公諱爾崙始居于洞以孝聞後人
名其洞曰孝處蓋言孝子攸處也至其五代孫諱杓
賢有行以文學訓誨于家子姓多彬彬焉嘗構一堂
於先廬之側榜之以孝處公非以是自居者庸寓追

感之意而且爲裕後地也然而公之平日處於斯堂而所踐行者無非繩其武述其事則公亦孝子人也
是以嚮爲公之作堂而聚於斯歌於斯者莫不以孝處之美歸於祖肯構之賢稱其孫及其歿而名於世則又以斯堂之名爲公稱焉於乎美哉不有省庵之肇基則無以成公之孝處微公之堂亦無以光省庵之孝處若斯堂者不但爲公家弓冶之所而廣之天下而有餘矣彼高陽之里安有此堂三槐之堂詎有此事哉曾聞公之事親也致其憂而有致鹿之異蓋感於物者無常則雖謂之適然可也吾夫子稱子騫

之孝以人不問爲賢夫孝德之本也德之感人者深而自邇而遠皆稱其孝不以爲間則此爲孝之至也何待乎物之感邪余於人之稱孝處堂謂庶幾焉惟余未嘗一躋于其堂執灑掃之禮而遽切人事之感也日公之胤子基成氏以孝處堂遺稿示余責以丁乙之役且曰先人始爲省祖起此堂而人爲先人而稱者誠何如堂未有記今屬之子矣余並辭而不獲命則復之曰春秋之世賢而賜族則或祖字孫氏而不嫌爲稱况於世德之襲芳何傷乎但世世勿替則以是爲君家之氏亦足矣於是不論其興廢時世而

略說名堂之義以解其意若夫登堂覽物之情有定
軒李公之詩曰大野軒臨觀稼適青山宅近讀書優
此董生所以朝出夜歸之地也所謂前人之述備矣
不敢復贅云辛丑鳴蜩節壽昌徐廷玉謹記

孝處堂題詠

性齋許傳

茅簷松栢極蕭然卜築于今幾許年洞號由於先祖
孝堂名有是後孫賢貧能養老耕農敏窮且修身講
讀便家世相傳弓冶業明倫善行做人篇

又

定軒李鍾祥

是處坊名自昔然應從孝子蓋茅年某邱某樹今猶

在肯構肯堂古所賢大野軒臨觀稼適青山宅近讀
書優孤居僻學功難進喜子西遊質簡篇

又

溪堂柳疇睦

孝之所處洞名然堂以此名可永年百世聞風宜立
懦一家爲教況生賢浮雲浩浩飯疏樂半月沉沉八
戶優平日不曾酬韻語爲君勤意拂清篇

又

希庵李瑀祥

興廢相尋不偶然茲焉邁軸昔何年傳薪一脈來孫
在寸草濃誠乃祖賢恩誥從天垂久遠藏修因地
得方便真功不在倫彝外二字楣顏勝百篇

又

孫鍾泰

出人之孝出天然思慕終身喜懼年聲徹九重褒
典美澤垂五世後昆賢從遊丈席難疑質俯仰數椽
靜暇便祖武跟來存養篤日披心近案頭篇

又

韓公翰

孝源流處自油然肯構斯堂迄百年桐岫朝耕誰訪
隱蒼崖雲宿古招賢春暉滿室承顏悅曉水驚泉供
旨便行德元來由善述明窓宜讀語曾篇

又

校理李舜儀

十二旌間宿世然令名不替萬斯年間居自篤三省

士昭代嗟違一舉賢去後潛郎褒 贈在來頭遺躅
數椽便於斯笑語於斯處子子相傳孝行篇

又

正言李在瀚

坊名孝處有由然郭氏工曹已百年肯構基存應繼
志行源天出乃知賢如今洞壑皆顏色於此詩書也
靜便吾輩千言何損益董生惟一退之篇

又

雲觀李鶴儀

洞裏青山立卓然至今想像似當年自天降爵知
恩重因地構堂待後賢無故弟兄湛樂好有時親友
笑談便靜几朝朝何所業兒孫來讀孝經篇

又

進士南基恒

孝處堂顏豈苟然地名人副著當年
隆褒尚恨重
泉隔善慶應多後裔賢百世無窮觀
感發數間非取
起居便願將績學酬餘力自在牀頭好簡篇

又

鶴坡鄭觀儉

孝處洞因孝處然斯堂專美載之年
桐淮逸迹漁樵
地齊魯名家子姓賢庭草寸心常感
寓清風一室夏
安便滿山點檢多雲白留作他時太史篇

又

寒洲李震相

三復堂扁一帳然公於孝處以終年
斑斕戲舞聯兄

弟方冊劬工慕聖賢 北闕馳銜華水部東都傳誦
好風便乞句祇緣追述意瓊琚爭擲已連篇

又

孫宗柱

公曾孝處洞依然繼以名茲保億年草屋數椽嘉後
蔭雲臺百尺景前賢家傳彝訓要須述人坐經談亦
所便若把斯堂遍一世敦風奚獨載於篇

又

李淵秉

浮雲半月共蒼然孝處坊名幾百年地得其人誠不
偶天於來裔詎無賢居民傳說漁樵樂後輩推知耕
讀便吾祖獅孫省老是至今講誼附殘篇

又

孫永鑽

孝處堂成不偶然居人指點已多年
吾知德蔭垂來世誰過門問式
古賢常顧此名思義可須從餘力學
文便多君能繼家聲起歌頌雲臺和一篇

又

惺巖崔世鶴

隱居處孝志囂然邁種滋根百有年
鶴響徹霄光威典鳳毛遺穴慶多賢
浮雲不義漁樵可麗澤相資講習傾地
豈忍荒泉忍泐作堂翼翼爛橫篇

又

拓庵金道和

堂名勝似勒燕然孝處于今幾百年
淮水桐山遺蹟

地王祥茅偉比肩賢相承疏節溫清適肯構訐謨動
靜便二字足爲天下勸區區不待浣新篇

又

澹屋張升遠

公家誠孝世能然肯構堂成已幾年董氏天知雞狗
馴石君人道子孫賢園收芋栗新需薦門對楸梧展
掃便傳語生徒講授地至今猶廢蓼莪篇

又

四留李圭日

省翁處此洞名然扁額追思喜懼年五世澤存無忝
祖一區精彩所過賢恩銜水部自天隕肯構雲臺
因地便入此室居何所講傳家要訣孝經篇

又

晚惺村致書

惟公孝若性之然洞屬承歡自幼年千古流芳仁里
號一堂肯構嗣孫賢明時嘉遯非充隱間界藏修焉
占便行義安豐天感在何人更續董生篇

又

府尹閔致序

一拂華扁感藹然碩人遺躅似當年冬官 貤爵天
垂報雲裔構堂世繼賢長對溪山寓餘慕更劬書籍
識方便願將大雅昌黎筆復續桐淮孝子篇

又

縣監孫相駿

數間茅屋築居然烏說吾人孝處年遠祖貽謨家有

法後孫承志世稱賢不以溪山能盡美靜看經卷是
爲便如今此室寢還起竊喜題名和韻篇

又

進士金景洛

堂名孝處感油然而猶想先公問寢年君子耕山能養
志昌辰 貽爵是優賢純誠不匱令孫在小屋新修
隱士優半月城邊千載地三綱扶豎幸茲篇

又

進士安鳳熙

洞以孝名不偶然仁人擇處昔何年蘆花秋晏言無
間桐柏山溪隱有賢 聖世貽銜天自隕肖孫肯構
地從優士夫冀北吾南嶺堪愧爪鱗續五篇

又

進士盧泰鉉

孝處由來地號然山川露彩已多年意必衡廬廖士
趣嗟哉桐柏董生賢爲有源頭觀德行須從這裏識
方便君今肯構追先志在誼難辭繼短篇

又

郡守安昌烈

堂名孝字洞名然古老相傳二百年丹雘重新成不
日青氈守舊世生賢臺雲城月稀微地水檻山窓次
第優寄語君家諸友們入斯堂處誦遺篇

又

掌令金麟燮

洞名堂處豈徒然積以成之幾百年念念思追先祖

武彬彬好是子孫賢日征月邁求心密夏清冬溫適
體優不出彝倫常行外如公無愧孝經篇

又

曹有煥

錫類公家不偶然堂因里號亦多年十旌門裏曾欽
閎百行源頭又挺賢褒銜賊世殊恩感美趾雲孫
肯構優名實相符仍不朽且看題詠揭聯篇

又

李雲相

忠孝傳家自昔然斯堂卜築問何年衣綵悅親萊戲
舞飯蔬待客泰知賢地因舊號公爰處天借今行我
有優顧復劬勞難報德讀詩應廢蓼莪篇

又

李能白

堂新扁舊意油然養得柔怡幾歷年這裏工夫千古
聖由來謨範一家賢湖南付囑知端的淝上樵漁可
擅優滾滾西川流不匱爲君敬誦白華篇

又

晚求李種杞

吾人彝性孝同然俛仰遺墟已百年漢代師宗欽有
道苞山家世降多賢儒冠乍接知非俗客路迂尋喜
借便無忝無忘勤繼述爲君莊誦董生篇

又

進士金奎錫

惟公處孝自然然愛日淑情二百年崧嶽風清張仲

友桐淮夜讀董生賢六階盛典 天恩重再斧脩樑
地勢便從古吾東君子國明窓歸對五常篇

又

南公壽

家傳忠孝世歸然古閬流芳照歷年百行源頭基地
好十旌閭下子孫賢以垂厥裕扁額在母忝所生職
事優遙賀主人肯構美新詩替奏南陵篇

又

朴佐鉉

堂名孝處洞名然先世嘉謨可永年愛敬深誠遵古
訓詩書講讀慕前賢擇居遺址仁爲美肯構精廬計
自便到此誰無觀感志聊將荒語附清篇

又

鄭鎮憲

堂名孝處洞名然地以人傳已百年有後能揚其祖
美如今復見乃孫賢棟成肯構追誠可楣映題顏寓
慕僂譎我才慚韓子筆三嗟未續董生篇

又

李晚峕

孝處山光夏苑然碩人邁軸幾何年藏修水石今依
舊肯構門閭世有賢百行源頭遺範在一區形勝散
居僂箇中甚事烏真樂古架盈盈插蠹篇

又

徐廷勳

處孝須從實德然楣顏坊口證當年瞻依必敬梓桑

里耕讀尚傳桐柏賢五世紹休忠不匱數間寓慕齊
攸優裘箕自是公家物肯學兒孫善行篇

又

李大在

孝處堂成宛翼然慈孫追感緬當年拓地間架依舊
宅由天恩秩象遺賢古城明月團圓在曉洞浮雲
卷舒優閒臥主人尋所樂家聲傳誦孝經篇

又

徐壽錫

孝處遺墟尚宛然登臨感慨憶當年褒銜已荷先
王命表里何須刺史賢乃有慈孫誠夏篤爲營新室
計尤優也知他日東京志採附三綱實錄篇

又

李章漢

天賦彝衷地處然堂扁已自洞名年冰魚家裏人傳
孝玉樹庭前世挺賢百世風流追想可一區雲月弄
吟瘦桐淮此日昌黎遠秉筆誰題序行篇

又

李漢久

聞說堂名已肅然慈孫肯構昔何年一區林壑呈新
彩百行源頭燁世賢古事冰魚寧獨異人言雪鹿亦
天僊翁生恨後雲窓筆見漏明倫善行篇

又

郭琰坤

堂於此地號宜然古老相傳二百年善繼嘉謨先蔭

厚肯構新業後孫賢閒雲繞戶頤精好澹水鳴窓供
旨優忠孝吾門從此路爲君浚賀足詩篇

又

尹仁錫

郭公之孝出天然所以堂名壽百年家政惟能扶後
俗鄉評尚可想前賢冰魚雪筍非求異夏扇冬衾但
取優安得紫陽翁復作嘉言善行與同篇

又

李能敦

孝出於天性本然英姿卓犖初年閱千聖亦無他
道源百行惟有是賢愛日家中傳業久浮雲洞裏處
身優玉輝珠美終難掩多士東都頌簡篇

又

李能者

孝子之孫孝固然斯堂肯構幾何年雲臺古壑人爭
誦苞郭名家世篤賢老且采誠能志養窮猶竭力給
身便當時信筆鋪張大一部吾東善行篇

附原韻

并小識

吾六世祖省菴公居於雲臺之北嘗以孝
聞贈承訓郎工曹佐郎居人名其洞曰
孝處洞後山亦以是稱焉歲丁卯家君就
古址構一屋子仍以洞之名扁其楣用寓
追遠之感而述事詒謨之意亦存乎其中

孝處堂遺稿卷之二
斯爲孝處堂之作也堂旣成命小子志之
謹以近體四韻稟質於過庭之際顧小子
牆面安能陳世德之萬一耶伏切惶慄耳
不肖男基成敬書

吾祖攸廬里號然揭茲楣額慕當年謨惟孝弟詒
孫子教以詩書學聖賢肯構肯堂仍勿替爰居爰
處且從僊更承庭命斯言志願得仁人和百篇

孝處堂遺稿卷之二

孝處堂郭公世系圖

郭氏籍貫苞山今玄風郡

一世

二世

三世

四世

五世

鏡

憲

琳

演

基正

字魯以號

知承善

門下贊成

中郎將。
子基正漢

典理議郎
苞山伯謚

巖谷本關

西弘農人
陪魯國公

正

靖簡

主出仕高

麗金紫光

祿大夫門

下侍中平

章事苞山

君謚正懿

六世

七世

八世

九世

十世

膺

敦孝

元振

忠貫

郭

禮部尚書
門下贊成

密直使

號西川平
章事謚文
憲以忠孝
旌閭

版圖判書

號南岡
忠翊戴功

事

臣璧上三
韓大匡三

重苞山君
謚忠簡

十一世

十二世

十三世

十四世

十五世

游義

預

續

德淵

汾

典工判書

侍中密直
使

本朝典客
署令以孝
行旌閭

掌令

啓功郎藝
文館檢閱
兼春秋館
記事官

十六世

十七世

十八世

十九世

二十世

自安

瑛

連宗

彬

大振

原從勳兵馬節度使

陽德縣監
○子連宗

奉直郎司
饗院主簿

王辰軍功
贈宣務郎

將仕郎
子雷

紹宗

宗簿寺主簿

二十一世

二十二世

二十三世

二十四世

二十五世

霽

爾崙

時翼

昌禧

守福

生員○子

號省庵以

副司直○

子守完守福守宅守

爾崙爾崙

孝行贈

子昌禎昌

爾岑爾崇

承訓郎工曹佐郎

祺昌禧

郁

二十六世

二十七世

二十八世

二十九世

三十世

鎮澤

杓

瀾

本名基成

鍵

滄

子鎮參奉

字定安號孝處堂

鉉

冽

叔

銖

津

欽

沂

女孫近五

女成耆益

女潘承模

基駟

出系

仁鎬

義鎬

禮鎬

女孫秀煥

女成大鎮

女成宗珣

成圭鎮

成南鎮

女李熙晚

察訪

女孫錫天

女徐煥錫

女崔錫駿
女李錫璠

女鄭致敬

女李璡久
李錫海

李錫

李錫

孟子曰堯舜之道孝弟而已夫孝弟人之日用常行底道非敢擬之於大聖人造道之極而特以孝弟爲人倫之事也聖人者人倫之至也舍孝弟而聖人何以爲聖人也此其所以爲聖學之門路也根柢也今孝處堂郭公平生用力不外乎本領地觀其孩提愛親之心已是天得之良知而以若好田地長而薰襲於家庭其晨昏定省之禮朝夕滫瀡之奉自是孝子之疏節而一生跬步之不敢忘親非其天植之根於中而能乎上承省翁之緒而爲繼述之孝下聯五棣之樂而爲征邁之業者無非日用上用工而至其至

碩之山畜馴化而登廚直與王鯉孟笋相伯仲於千
古吁可敬也已孤胤基成甫大懼先蹟之湮沒哀拾
當日之片言零辭繕爲一冊圖所以不朽尤可見孝
子之家孝子不匱編旣成又屬不佞以尾敘不文者
何敢而顧亦人倫之感耳妄自血斲以爲孝處堂遺
稿跋歲戊戌陽月上澣安東權周郁識

吾宗衮于東都者世以文學行誼爲衮治其居之曰
孝處洞蓋昔有省菴公諱爾崙之以孝聞而鄉黨標
幟之也其來孫諱杓克趾先美因以孝處扁其堂蓋
欲以省翁之所事親者事親而興寢食息造次念慮
無時不在於親也是其至愛純誠自幼至艾如一日
親樂而家肥推之百行莫或不順今按性齋許文憲
公及肯菴李侍郎公所爲傳狀信乎其不誣也於乎
此可以小學矣可以內則矣奚須於文集之有無也
特其詩文之發於心患者蠹魚食盡寧可忍乎此胤
子澶之辛勤掇輯而謀之剗剗者亦孝思之不容已

也詩醇澹有趣不事雕鏤其文亦平實簡易不爲張
皇震耀之夸斯足見性情之真矣辰砂空青之售而
菽粟之不珍知德者其希矣雖然後之求公者豈以
詩文云哉民彝之極天而不墜者是將與公而終始
焉爾矣公嘗師事李祭酒定軒先生有太極圖說用
功須敬之訂而其爲說不存於藁本意其斷爛壞燼
而失其傳也何其不幸也然而公之以孝爲處而一
息不敢自懈者其必有得於敬之主一而無適太極
之一動一靜而無間斷停息者乎恨不得其詳而以
牖迪于來人也以余爲魯衛也責以一言於編尾

敢不辭而爲之說如此云歲重光赤奮若小春宗後
生鍾錫敬識

FOR USE IN
LIBRARY
ONLY

EAST-ASIAN LIB. - U. OF T.

3 1761 05150027 0

KOR

PL
989
.45
P96
1901

RESTRICTED SHELF